

白  
華  
前  
稿

白華前稿卷第三十八

南滙 吳省欽 沖之

古今體詩史官集二

著雍困敦

蔡梵珠農部水鄉菱藕圖

輪蹄底底捲塵滓水雲忽落蔡侯紙蔡侯玉貌方兩瞳  
舊逕平開石門壘遶城細火千萬家夾宅澄波二三里  
晝靜頻看沙鳥飛夜深猶聽榜漁起行春結夏無不宜  
況乃秋時劇清美羅袈裟溼菱女愁箬笠晴敲藕夫喜  
竹擔納納筠籃傾能使老嫗粲雙齒知君肯學鷺鷥爭

釣不在魚例差比當磯漲縮苔田田隔岸陰移柳纚纚  
披襟晞髮恣盤泊如腰忘帶足忘履一從荷蕙換初服  
街鼓五更應官裏縱然送爽來西山說著蓴鱸口先咳  
慈姑葉爛歸未成旅壁黃泥閱三徙連朝火急催惡詩  
示我新圖映清泚我家歇浦東復東盡卿忍有谿毛足  
芳沚吳根越角雖芋區祇飲三江太湖水和蓮稅艾無  
處無戲問農曹可辦此不須息壤申後盟布襪青鞵自  
儂始

嚴二如練邪讀書圖

東馬承家舊風華世不如隱心寓農圃雅尚抱琴書檻

浥蕉紅潤牕涵竹翠虛  
谿童憺無事歸葉過前除  
練祁盛文物往說四先生  
爾亦能詩畫人曾奏姓名  
羊車看入市蕙帳笑寒盟  
示我烟秋景如聞雒誦聲

風草圖送晴沙給諫出守寧夏

節目尊東林家聲盡傾倒  
多君書院來英英致身早  
畫闥聞握蘭諫垣見削藁  
有如梁棟材肯作科上槁  
昨冬思告歸綵衣娛二老  
堂上辨魚菽堂下課蟹稻  
曾爲支倉曹生計藉簷了  
南音來再三榮名勉維寶  
修門俯仰寬及春遂幽討  
東風灑衿衣催綠帝城草  
所恐秋賦時枋文謗頭腦  
拈題類經生技癢獲爬爪  
詰朝喧打

門五馬裝騶裊除目從

御題望郡足型表提封鎮

河湟邊障接亭堡魚鹽利兼擅豈獨宜六擾稅廠罷折  
筮訟堂約獻醪餘事分射墀羣公盛牙蠹軍民歸輯和  
袍鼓可弗考回瞻南徼雲瘴氣亟須埽羽書紛急遞馬  
粟計宿飽一逸與一勞相懸詎芒秒何必思青綾臥理  
實大好此圖出新意觀者或未曉仁風徵奉揚生意各  
縈繞知有占識存東郊待釐保朝辭黃門班暮就朱轡  
道無謂秦無人去去開懷抱無令歎歌廢無厭簿書遶  
我詩慚穆如聊用代紵縞

冷淘時節糝青槐無復曹公沁醋來卻擬從君乞元飲  
連江昏雨夢黃梅

御試紫禁朱櫻出上闕得圓字

四月含桃熟最先朝來蓉闕拜

恩偏瑛盤祇訝堆

雲重絲籠曾看瀉露圓狀擬晶丸含赤暈品兼石蜜映  
紅鮮離離摘向唐梯外的的羞從漢殿邊豈有流鶯銜  
繡檻可無歸騎壓金韉沁心液比醍醐潤照眼光同韎  
韞妍消熱定須漿試飲嘗新應配筍爲緣江鄉喚賣饒  
風味那似分甘

玉案前

萬顆瓏璚出

御筵者番細寫幸何緣經春雨露三

霄上入夏園林百果先綴葉每看丹粒重垂梢不讓火  
珠圓熟來信過花風後擎出時乘麥候前核自懷餘甘  
尚溢蒂還黏處味尤全光連瑪瑙盤分豔色映珊瑚架  
失鮮野老送曾憐蜀客大官飽莫羨唐賢宋臣此日榮  
霑 賜歸證荆桃爾雅箋

四月五日大考翰詹諸臣八日拜 擢侍讀紀

恩四首

天門談蕩曳青綈甲第聯銜候試差月旦待題名士重

風儀難信病坊諧

朔日引見應出試差人員坊

缺中有年老者遂命大考六年

大比宜循典三日

常雩適致齋館吏一時喧走

語筆牀硯匣細安排

自壬戌後屆六年即舉大考於西苑時值

文囿宏開曙色霏羽林雙引翰詹齊抱從佛脚靈當乞

孟郊詩垂老抱佛脚仰過

天顏候漸稽薦

寢拜霑嘉

果賜畱田策罷遠糧齋茂先王佐臣何有慚媿枋榆

斥鷃低

試擬張華鷁鷁賦新疆屯田議紫禁朱櫻山上闕詩

白華朱實捧

宸厝草屋標題兆豫成

省欽自號白華伏聞

御製朱櫻詩首聯有白華細結新進無資還壓卷故人

有分輒連名

省欽列一等第一諸侍講廷璋一等第二

寸心得失終難問鼎甲廻翔暫比榮止一等例今後好修

衷倍矢勅頭何易副

親旌歷奉諭旨觀其文復觀其人親定等第



丹翰遷除 寵命新光明喜遇佛生辰三升未信由司  
馬五品先誇不遜人明張位詞林典故五品不復推遜引虞書語人以爲笑端報  
主文章徒夢寐致身富貴孰精神飛沈時數關前定少  
賤驚心四十春

奉使黔中出都作

修門指鬼方往返程十千路阻山更高蹣跚地行上天使  
車載 王命無復心旌懸況從禁軍出荒徼皆列塵送  
征具扉屨畱頓供餽牽戒塗直如矢車多馬且閑而我  
躡其後高唱皇華篇本無請纓略焉用槌壁歎  
炎風披四郊淅淅響禾黍彼黍長於人風帽劇軒舉習

勞宜陸行呵吸憚煩暑將身入灰洞白汗滴如乳役夫  
赧兩肩定喘竊相語夾吾背上漿滴此腳下土祇愁暘  
亢餘揮去不成雨不雨夫如何前邨喧巫鼓

柳夫植官柳如人髡使鬚隔春芽耕生枝葉轉秀發夾  
路披濃陰枝密路仍豁東照西照斜弄影碧雲活當其  
中日懸團頭花樹末時抱枯灼虞焉救道旁暍始知惡  
木陰衛足智已竭心迹苟清涼何必苦內熱

先驅負革鞬後乘載行李貴游多不經以僕作綱紀腐  
儒本酸寒曷敢躬蹈此破驛三數椽征塵更紛委熟知  
公郎寬容膝安斯已懷安我所爭人意寧不爾奈何食

宿緣而令訟師起回睇野店荒叩門門不啓

定興謁楊忠愍墓

虞韶聲不作浩氣掩荒叢命盡妻難替時艱主失聰一  
官拚九死兩疏占孤忠異縣堂封儼猶與鹿氏風

過呂翁祠

挾瑟邯鄲道超遙獨此翁爲憐人倦後將夢客愁中多  
黍凝晨露危柯颺晚風荒祠坐懷古婚宦太匆匆

樊城見蚊戲成

岸葦江蘆別幾年南轅冉冉近江天歐公大有憎蠅賦  
韓子寧無喜蠛篇架上禁方思咒酒室中快事待燒烟

呼童更檢先生笥斗帳支來信晝眠

宜城楚昭王祠

邑井雖非故榛蒿擁襲祠有謀安避郢無役報侵隨執  
燧嗟何益鞭尸較可疑尚餘成白水嗚咽訴流離

遊象山十亭宿龍泉書院

官驛臨荆山采玉志不就駕言城西門秀色結巖竇犀  
株千萬翹株株插靈鷲雖無千仞高扳引絕援狹其間  
開十亭大半暗金繡前年水亂飛檐壁勢儻憇想見風  
雨初怒作時門闕不丁下林塘龍泉出新漱何來好事  
者得此託神授兼挾惠順蒙入澗共奔嶮涪翁占出泉

作書硬且瘦細響生淵冷手淪滌神困我來值炎風汗  
背不曾透緬懷象山子講學遺層構詎惟學子思遺民  
尚俎豆卽今講院間士豈乏何侑人傑由地靈正恐未  
由副明當廟虎牙卻望戀衆鰲

渡荆江至孱陵

劉備營何在川原極望疎秋生梧葉下雨近豆花初折  
戟埋終古迴帆切太虛吹燈有山鬼卽次委琴書

順林見竹林

不見此君久離憂滿洞庭幾家隔烟水今日倚娉婷飢  
鶴有時下吟龍何處聽夜來風露冷辛苦折芳馨

澧州道中雨

田間卹樹滋數蟬曳殘暑呼渡越重津悠焉眷蘭杜僕  
夫訊畚谿山色淡眉嫵忽見前山雲行人衣上雨

武陵喜晤荆南

燕市匆匆酒罷傾三閭祠畔坐班荆祇言歧路空還往  
不道深緣易合并館吏覓糧知宦薄蠻獠織錦待詩成  
衡陽新雁南飛迴同向關河話弟兄

辰沅道中多紫薇土人謂之野茶戲題

一尺新叢一穗花漫山春影浩無涯紫衣貴客無人識  
卻被輿丁喚野茶

辰龍關

一別桃源路向西嚴關躍馬劣容蹄壺頭地勢分千嶂  
甕底天形逼五谿石帶崩沙山欲卸林含積霧瘴初迷  
憑陵蛇豕年時感遺老猶言厭鼓鼙

山館

樹杪幾重山山人出未還款扉成小住倚閣試孤攀鳥  
弄鉤輈語花披躑躅斑今宵傾卮酒爛醉且開顏

站夫

亦知吾累汝案簿且呼名恐晚懸燈坐防飢裹飯行祇  
愁農斂誤稍喜客裝輕不少諸年少朝朝免賤更

站馬

亭堠相望近蕭蕭往復還斷無肥應客難得健登山負  
弩花凝汗開羈字烙斑何人通馬語慷慨效征蠻

松棚

白龍墮蒼鬣覆院巧支棚高得山風透疎宜渚雨鳴影  
交梧竹暗香散芰荷清亦有從軍者無緣憩遠征

竹壁

山竹如蓬賤勻編屋四廂未教泥裂縫也著紙分光刻  
木圓承雷誅茅仄架梁西南風土陋祇此似餘杭

竹竈



愛爾行廚穩爲圓製不觚泥鬆勻鍊質篋細巧纏膚火  
向烏薪撥羹從翠釜鋪客裝容擔取歸配惠山鑪

櫻衣

遶屋櫻欄樹縫衣製獨殊稱身偏愛短蔽體不嫌龕香  
竝荷裳灑涼同葛帔扶雨餘思獨速流夢滿江湖

紙笠

黃竹裁圓笠湖南翦紙奇壓顛輕似箬隱面大於箕滑  
膩青油疊模糊白麪炊一鞭垂手去暑雨總相宜

皮盤

挽得黃牛草中央四角完高低扶寸穩小大逐層蟠樣

喜隨時變痕誇出水乾裝歸同漆碗休笑乞兒搬

稗麥

高下苞稂影離離占麥名分畦憐早種上廩待秋成  
類雞撈距稭同蚰露晴果然供一飽論價販夫輕

稀荈酒

藥錄稀荈賤芻來琥珀凝熟疑和草壓美信帶花蒸  
蠶榼傾還數吳槽賣未曾酌嘗風味好鼻飲笑鉤藤

茶油

種茶翻葉子一笑問何爲花結戎戎細油含淊淊  
時勻出榨調後滑流匙桑苧幽經好繙來恐未知

三  
一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

軒加醬

柔尖懸馬乳紅影縱初秋  
軒愛連皮擣勻宜著麪  
漫嘗新誰欲問辟瘴爾何憂  
菡醬誇西蜀辛芳得似不

雨後宿山館

前山涌晴翠雨自後山飛  
山氣本如此人行殊未歸  
林端松鼠滿階下草蟲稀  
茲夕望河漢迢迢秋影微

轡緯

輿丁怯危棧攻金成四環  
分置輿四隅遇險教躋攀  
前峯拔千仞仰面愁天慳  
纒縲貫環中承以腰背彎  
百足爭一絲散影如馬蜎  
當其併命時欲顧不得還  
呼應效

邪許直上凌風翻倏然投下坂神色嗟已艱翻身作後  
引倒載差少安性命託徒御增我心魂寒牽船我所慣  
安穩乘風灘茲行不在水推挽真無端何時輟使去縱  
步莊衢寬

宿懷化驛

石多田少處千頃忽開坪谿轉藏牛飲林疎逗鳥鳴迎  
神仍楚俗驗物自蠻程來日龍標縣欣聞路較平

麻陽獵卒行

晃州驛前逢獵伍矍鑠一翁衣藍縷筠籠竹擔挑兩頭  
中有山君纔脫乳自言冊籍隸麻陽犂确山田輸見

胡甸

切糧東舍依違謀改業西鄰辛苦事鋤荒阿師身手世  
無敵慣入南山斃白額朝投五體拜階前夜授七條跪  
牀側卽看算勝藉神機豈必除兇在強力小山大山藏  
伏艱義取有鳥無鳥間由來山氣異衰旺侮弱攻昧驚  
神姦打頭木葉厚鋪石石破天荒晝交跡鐵槍丈八叉  
三丫卻把一椎響椽杙夜叉挺臂組索麤絲絲縈吐如  
蜘蛛倭倭鬼魄褫奪踟蹰一蹶空負嶠一蹄入窞三  
蹄踊似有神人執天華青鋒白棓當脊梁手撾咆哮不  
旋踵去冬麻陽虎亂行雞犬百里無晝鳴縣官下令索  
獵戶導我前列雙紅旌十旬縋得大虎四齧齧耳根腦

塗地虎皮虎爪都入官誰憐我本將身試昨日經行西  
晃峯颼颼幾陣聞腥風就死者母繫者子幾擔羊酒來  
邨童贐文熊熊氣吞犢股掌玩來啞馴伏從此金錢溢  
看場何如稻麥平量斛我聞本富推力田舍農就獵非  
萬全莫師周處除鄉患且聽齊風刺子還卻思中黃擅  
服猛如此成功異天倖解鈴須具繫鈴材願君更縛單  
于頸

羅舊

驛舍何方徙家家尚和春馬驕梁伐石鳥駭寺敲鐘灘  
響溶溶細山暉淦淦濃陽明舊題句無復壞苔封

雨中度青山坡

涼雨霏前峯。籃輿閉匡坐。歷面天忽呈。始覺勢如臥。懸  
厓梯棧窮。孰把山骨剉。百步升一盤。欲右轉先左。壞石  
傾尚支。怪藤斷猶裹。猿鳥所不居。殘僧結清課。稍喜所  
歷高。豁達甕天大。請看高樹枝。歷歷腳底過。南行試新  
險。腰腳警頽惰。猛士馳火鈴。插羽疾於墮。

栗子關

昨歷桃樹坳。今升栗子關。關前嘉樹杳。不見惟見亂石  
齒。齒吞叢菅客行初。若杵投臼捫葛又。造青雲端一迴  
一折。肖之字。仰睇天影圍。如環竹坪來。路僅十里恍隔。

千嶂離塵寰不知樵響發何處下和夾澗鏗潺潺小栗  
大栗攬不得曷不猿化收百盤將毋栗義取戰栗俾我  
汗出心先酸何當剗平種千樹飽看栗葉青黃斑不然  
作杖拄身手絕巘放膽從追攀

晃州

冷驛臨江渚蠻司孰置州回程依楚望來日計黔陬魚  
米看猶賤鴻泥迹自浮誰爲百夫長鼓角滿山頭

蜈蚣關

釋蟲箋唧蛆何年化爲石伯翳焚不僵矯尾豎其脊初  
猶蛇蚓蠕繼乃虎豹格破碎磬頭皴那受屬與展僕夫



行自東未到神已嚇語我支柳條直上在併力曳踵忽  
旋踵下落一千尺乍降仍乍升萬牛起喘息峭壁三水  
簾亂打黑風逆層層瀉水出賴此異鹵斥祇愁蒸毒淫  
金蠶怒相蝕山鳥無一鳴怪底作官驛回望辰龍關滅  
沒歸飛翼

玉屏

百里開新邑佳名愛玉屏波吞文水白山吐武谿青遠  
轍行將止清歌醉易醒詩翁耽小隱誰叩草堂靈邑大  
令榕有碧  
山堂詩

清谿

百雉因山就青青一桁齊有雲時到閣

城外有紫雲閣

無水不

名谿峒戶新停睽沖田易趁犁雞頭關絕險珍重試征

蹄

黔楚謂山田受水處曰沖田

### 鎮遠望中山寺不得登

入山一千里名蹟渺無因及見中元洞徒懷上界鄰導  
師叩清磬舟子爨遺薪脈脈灘谿水杳然誰問津

### 宿鎮陽江館

臥聞風雨橫山月在簾櫳始覺水聲作那能灘漲空人  
行龍里上鄉夢鷺濤中何日舵樓飯五湖東復東

### 青龍洞

楚黔傳析聲兩邦介南服黔山異楚山如人老而禿強  
呈蒼翠姿生草不生木蒙茸無主名僅足付樵牧以此  
成大頑遊蹤苦蹉跎戔戔蒼坪山漣水枕一曲樹木踰  
十年葱蒨碎可掬三休陟其厓洞門窈深綠誰從千仞  
岡刻刻作空腹翻疑大小青卻在上頭宿過客破詩膽  
拂蘚末從讀惟餘青豆房高下綴簇簇洞底山自蟠山  
底江自東坐歎搖天風驚散白鳧浴郡樓吹角寒天險  
一何酷北望石屏峯塵襟暫如沐

焦谿

一葉焦谿渡清森出麗譙伏巖稀見虎

東門外有老虎巖

出峒

漸逢苗賸布秋開市舟帆夜泊橋征南諸將帥聞道肅  
秋毫

### 華嚴洞

灰窖堆衆山百頑無一巧客遊應且憎有似被花惱頃  
出相見坡目眩魂欲掉悠然見花宮石路平稍稍入門  
揖龍象謂未副幽討豈知造物奇在裏不在表豁初一  
竅開萬態入昏眚道人敲火來雙炬奪晴昊嵌空百千  
乳滴衣溼浩浩其餘堅且凝或立或敲倒或如旗纛揚  
或如珠絡繞或如單椒抽或如枉矢撓凍雪或凌兢活  
雲或縹緲就中妙蓮華趺跏見胡甸切端好瓊瑤披四垂

琉璃映七寶如聞閔衆生調御失不蚤其後數里深元  
湫蟄蛻蟠靈物雖再遷冒水敢相勸請俟冬月遊裹飯  
閱昏曉九曜力所窮法界見生造腳跟難把持藉用秣  
田稿入山思清娛震聳翻未了試聽咳唾聲隆隆走深  
悄返見寺門花紅黃蛻龍爪

歸雲洞

華嚴快昨遊越宿瞻餘怖夢寐乘飛雲萬象入雕塑曉  
發五里墩歷歷恣紆顧漸次得魚梁梁下濯匹素來從  
白水巖旋折始奔赴其陽杉柏樅髯鬣奮颺蕭如人生  
綠毛日日吸濃霧轉逕敲寺門碑版若綦布亟搜新建

遺云在月潭樹開山殊大難乃出姓周成祝釐成道場  
救渴憩遊具讀罷誅上征靈乳白於紫當風化石公跣  
跣卸還住狂呼來洞南拾級又千步何人構層軒而不  
費一柱覆空紛玲瓏朵朵若飛渡滃然倘下垂罩頭那  
得去肖鋪鐘高懸狀華蓋低護咄嗟人力窮竟出陰陽  
鑄象數與名物真宰泣難訴蓬鬆苔髮多倒挂足生趣  
非土非石問根蒂著何處清泉亦涓鳴杲日亦晴吐所  
惜塵駕繁縷題句警諸骸脈筋一一受鐫鋸真相  
遭毀殘酷烈甚蟲蠹慈雲稱大慈萬一鑒呼籲一朝雷  
雨傾千手洗沈痼啞羊笑忽磨稍向二亭駐且與訊東

坡孤筇撥烟路

油榨關 亦名文德關

青靄圍萬山一綫界微白取道管葛叢踏此腳下石石  
梯千丈強其廣三數尺謂可作氣登吹筒喘不息漸歷  
身漸孤攖攖削青壁豁然雙戶呀不省孰開闢羣峯趨  
西南一角奮東擲當時異姓王據關豎連柵黔驢技卒  
窮子姓效俘馘逆天斯必亡詎可丸泥塞懷古多慨慷  
泉聲殷猶滴方池雖不深潭潭五龍宅將以甦暍人詎  
止滌塵客今年大出師幾輩酌甘液歸時應勒銘遠徼

治文德

施秉

開府論前季偏關楚上游時清纔改邑波闊未通舟地  
入且蘭古天連苦竹秋道旁雙隻堠記里逼牂州

黃平

廢衛黎峨道年時戶版更漫傳狼洞險蚤見鬼方平獠  
獠丁男賤衣冠甲第榮有登科坊何人能結壘巾幗亦崢  
嶸

渡重安江

衆川下麻峽絕岸滄通波沈綠映山靄設戍譏誰何長  
絙引嫋嫋雲水空相摩孤舟蝨其間寸寸皆橫拖轉於



徑直處煩重成透迤少焉達西岸林旭明烟蘿居然比  
度索而乃稱牂柯何當躡飛虹百丈安盤渦

暮宿

朝行水一方暮止山一曲瀨石晴遽枯峽樹寒倍綠偶  
逢樵采僧闕人似麋鹿

貢院玉尺樓

吾郡沈洗馬宗敬典試所題予  
與鸞洲侍御割樓東西居之

會城地復平三里試院樓高上一層湖海元龍姿詖蕩  
江天洗馬筆飛騰裁量玉尺吾猶媿激射金芒物或憑  
時有神燈  
紫氣之異畱記鄉先生故實謬陪殿御史賓興

界亭茶歌遙和程荆南

楚南夥佳旌君山苦難致筠簋滿載安化產千團散走  
五侯第雖然消食同檳榔苦釀膠脣失茶味我來界亭  
山山谿清一灣枯瓢酌水坐蕭爽況有綠雪點點碎拍  
春甌斑一槍乍開一旗掩認作谿淥慳流潺湲龍騰騰  
勢飛注澹泊澄鮮得真趣雨前采焙茲最良不然豈少  
山前樹幾樹煎膏幾榨油何緣底貢尚方去嗚呼爾茶  
勿傷不遇時輸者自官藏者私菁茅橘柚職包匭嗟爾  
未是清廟明堂姿

爛石山房歌爲荊南賦

柑木塘西路縈繞幾曲屏風插清漢房名爛石疑不經

知是何人手親繕程侯七十二峯長天遣嶽靈飫奇觀  
竭來馬底淹十旬扉屨斐芻屺嗟辦此房此石粗料理  
未到房櫬石先見豬肝鮓血痕模糊誤截紫雲擲荒縣  
屑如蚰蛙皴麻皮乍黏非黏斷非斷得非仙家煮騰困  
底糧萬斛平堆數難算洞中三品輸嫵姿壺裏九華奪  
生面忻然相賀茲石遭摒擋藥鑪并琴薦是時六月行  
栖栖一榻一畱有餘宴松毛支架涼絲絲杉葉編離陰  
片片賢者多勞勞者歌慣聽商歌達宵半浮圖三宿雖  
偶然地志圖經待誰撰我思楚俗傳刀耕多少種田墾  
山畔復思急遞指瘴鄉瘦馬凌兢偏危棧神明邑宰庇

萬間斗室奚煩動，深戀刻成官路犁。作田安得四山石，  
真爛。

藤木憶鷺洲侍御

欲就黔陽宿，迢迢一舍餘。灘深危過馬，月白誤跳魚。獨  
坐依荒戍，長吟曠遠書。遙知綵衣影，翩舞向庭閭。

晚泊

夜航能識路，古渡一燈懸。水閣空人語，邨籬自犢眠。客  
愁來枕上，旅夢結樽前。噉噉清猿起，前山暝夕烟。

大王灘

上水恨灘多，下水惜灘少。石瀨鳴潺潺，逝若箭離筈。歸

塗筮涉川數日足秋潦瘴程多崎嶇惶悸可一掃忽聞  
灘漲驚石龍伏龍湫三溜迴一溶土人謂水壑曰溶左行避瀾  
倒孤舟鏗其間一痕就芒杪賴有曳纜牽俾毋極矢撓  
須臾凌急灘船身忽夭矯船底木所成苦被石棱齧篙  
師身手敏默焉出深悄無煩水伯呼且藉大王禱建灘  
與贛灘奇險夙可考茲險莫過之垂堂戒難保坐定魂  
轉避空巖掠飛鳥

下鷺灘舟爲石所破

放船兩厓下江石森崖我參差點江面有如羣浴鷺篙  
師巧避險作勢如鳥過宛轉之字形庶川離盤渦豈知

水底石獐劣逾蛟鼉我船不兼顧船背紛相磨須臾破  
三板汨汨來則那始猶漏卮瀉繼且翻盆沱載舟本賴  
水而以水作窩明知淺灘淺神色頽朱酖誰能施補牢  
柳樓工柳搓居然塞其源迅發仍投梭此計詎至計急  
治誠不訛卽小可喻大豬堰關治河

黔楚伐石作祠以此示之

楚石例可憎塞途鬱硨磲大者遴碑材使君刻遺愛小  
者記修橋姓氏列耦配文辭無可觀消泐不數載山莊  
生計饒井井畫基罨園社三五家腰臘效酬拜社公偕  
社婆憑依諒斯在築龕等雞栖瓦木悉屏退或爲巾樣

撈或作亞字背據竈觚覺寬樹稷壇已太上雨兼旁風  
無計還狡獪尚鬼雖楚風此義卻未悖鶯闌豕柵間彼  
神詎相耐恐教木居士爭叢竊鳴吠不如輟其材大蜡  
考記載嗟石不能言作詩誌長明

桃花谿

山氣碧無間有人曾避秦我來秋漲退不見桃花春花  
落水如故水流花又新因之念漁釣何必問迷津

歸宿麗陽驛

一綫控荆襄分明古洲陽爨烟浮苦竹驛夢隱寒蠶歲  
晚農家嬾途長販戶忙虎牙關勢湧回首極蒼茫

題貧圃編修洗硯圖卽送其出守延安

翰林非執官酸寒估端歛得一堪一生無計恣漁獵問  
閣趨承明什襲白藤笈勘書介麻茶視草欠妥帖臨池  
我尤嬾紙筆任猥沓得毋銅雀材渴死塵滿匣多君館  
職多得得叩晨閣橐筆冰雪間著作偉馭選嗜硯癖未  
蠲百輩日三接因爲滌硯圖快意弄晴渌茆亭景幽幽  
梧樹響雪雪柴門逐江開漱齒不容呬呼童攜石公俾  
與清流狎積痕淡初蛻膩狀濃轉澀湔洗經數番浩蕩  
閱一劫消搖離垢園何處著黑業祇恐魚誤吞墨鱗漲  
幾疊在昔高似孫箋牘滌硯法不滌書不成涓湯忌升



合嶽炭擊其蒙蓮蓬汰其雜霹靂驅元靈養之義周而  
君今把一麾陳義妙斯懷威信行光并勸課罷麝蠟延  
廊古大藩報政待翔洽非無洮綠珍誓不人行篋不見  
包廬州清風扇來葉然而文字緣吾輩中結習爲政心  
貴閒石交故相浹盪胸付悠悠揮手戒咕咕詩成硯卻  
焚詞源遜三峽

白華前稿卷第三十玖

南滙 吳省欽 沖之

古今體詩史官集三

屠維赤奮若

常熟支貞女詩

金匱羊角里  
朱燦聘室

支貞女畫作春梁夜機杆行年廿四奔夫喪瞶眼今年  
四十五上有蒼蒼天下有薄薄土中有累累四口棺待  
爾十指輟瘞如槌營葬所葬錢歲積三二千嗣子蚤殤  
飽狼父女夫之同  
祖兄文耀叫噪百計思奪之賣酒當門廁當戶  
鐵骨冰心無奈何伎倆還憑老拳挂女弟訴官官則磨

官有上官笑相語以淫襲貞神鑒嚴獎扁休憑李閣部

鶴峯先生

官亦不女賢官亦不狼怒訟堂千萬人淚落看對

簿女持寸刃將剗胸按法洗冤意良苦嗚呼上官爾雖  
倖貳何獨無姑姊妹女兒賕幣雖多一毛羽區區羊角  
尖此事傳樂府不婦而婦婦有終出自農家教無姆咄  
嗟四棺呵護猶有靈君不見兄姒如狼上官虎

賦得隱居松爲陶上舍

梁日山中相爲樓切太虛玉笙亂松吹清聽  
鶴身傳照成鱗手著書知君涵本性相對歲寒餘

徐觀察

浩

西征遇虎圖

玉關岩岩路如縷陰磧連天斷行旅使君五馬西復西  
霜淨星稀月光苦夜殘遠落雙炬紅道是單客歸自東  
舉鞭四顧意無那撲地幾陣聞腥風攪身下馬馬先倒  
身隱層坡馬臥道死生萬里今託誰分與山君餒一飽  
劇牙澤吻蹄四懸霹靂震墮白額前子房縱使鐵椎誤  
丞相還教銅弩連一卷著虎虎跳吼竄走飛塵等逋寇  
祇疑此地渡長河仍許他時充內廐驚魂小定從騎來  
試覓此石重推排十夫挽舉腕力脫書生縛雞何有哉  
古來債績在惶恐裘帶雍容計偏犖熊渠李廣沒箭羽  
直以精誠鼓神勇況當我武揚八區行邊大府君與俱

人馬一心歷無阜爾虎何物干天誅虎去馬存衆矜詡  
單騎從容詣大府作圖豈必標麒麟伏草何由匿狐鼠  
轉思大府出南陲畫虎無成晚節賸愧煞短衣騎馬客  
風雲長際太平時

三讓月成魄得三字

賓位如旁魄須教禮讓諸升歌人肄什對揖象分三儼  
抱爭光隱深懷避舍慙哉生輝自吐則景義須探瑤鏡  
熒熒閃金波澹澹涵斂盈歸遼順就闕戒荒耽令以相  
推著功於不侮參盛時鄉飲重月朧化流覃

瞿霆發故宅耕者得至元年鏡

背如盤孟面如月尸氣荒寒沁毛骨興隆生廢劈正沈  
何況瞿公舊時物後門前檻青娥春不生馬角生牛麟  
不知百客堂中客誰是天涯磨具人

范孝子 成誠詩

孩提知愛親遷流逐緣感墮地三數齡孺慕日以淡虞  
城范孝子至行過祥覽有母牀第間沈緜色悽慘自春  
徂三冬消渴謝羹糝難乞醫藥靈侍疾剖肝膽是時年  
十三兩耳髮垂髡中夜頻籲天帷枕不遑攬父兄詔少  
休交睫夫豈敢誠至天果回調蘭足徐噉北堂有傷心  
爲二孫入坎譬以膏煎明而受疾風撼瘠毀由致哀觀

者首爭領門外塵蓬蓬山中水澹澹水出無盡時浮塵  
淒以闇獨行傳他年作詩告操業

送溫魯齋比部歸粵

看雪春明住幾春道南就屋誼相親每從勝地欣聯臂  
纔過中年勇乞身數點梅花關外使一園荔子嶺南人  
何當笑跨羅浮蜺得便從君買比鄰

純齋吉士潞川暑汎圖

我昔浮家上通潞鐵鹿戢戢倚前渡重門豁達交劇歧  
不見菱塘共蓮渚潞亭亭長其姓劉日昨登瀛擅華譽  
自言家世近長安好景城西足沿溯清波千頃流一灣

石竹橫斜枕蒼霧嘔啞宛轉鳴夜船  
校衫紛披曬晴樹  
漁兄漁弟從往還時伴浴鳧狎飛鷺  
況當火繳張炎官  
躍入冰壺討幽趣琉璃界裏安缺爪  
小拓蓬牕影廻互  
彈琴壓笛無不宜鬪茗敲枰亦差具  
手拍銅斗歌正酣  
忽送荷風灑烟路爾時蹇衛行牽船  
絕勝輕颿颺帆布  
江南過客爭胡盧以畜代人得毋誤  
我來京國將十春  
鄉夢五湖慣馳騫偶緣二牖招釣徒  
門鑰還愁阻遲暮  
何如放溜行卽歸不必旬休待分付  
有月且上中山臺  
有酒且澆卓老墓披圖一笑雙眼明  
擬乞匡牀蹋冰去

蹇騫無力牽船  
纜元馬虛中句



觀射

綠楊如繖午陰圓  
閱武場依雉堞偏  
螭影團團閑放埒  
鴟聲肅肅隱鳴弦  
禮容進退期觀德  
雅教均停在序賢  
莫倚孫吳書一卷  
古來儒將總翩翩

微雲淡河漢得微字

霄漢天章耀游雲  
幾片歸絳浮痕淺  
淺碧掩影微微絮  
薄遮還漏羅輕著  
更飛聯繩捎北斗  
沒角射南扉坐訝  
光搖練行看態幻  
衣一樣人宛轉兩  
戒路依稀俾彼精  
猶晦英如露未晞  
太虛渣滓淨吟望  
滿清輝

東皋古樹歌爲邱孝廉學劬作

甬東東臯邱氏堂一柏挺峙壇中央兩松左右出壇緯  
下與壇石爭青蒼種松種柏昧時代傳說堂成樹先在

南宋遺民觴咏間東厓少尹裝資外

君先世長汀丞錢夢神賜東厓石石

上有十六字明旦得之於巴河倉載歸東臯自號東厓子

影挈嵐彩樊榭晴響撼風

壽堇江海赤日怒炙冰霜皴三幹橫蹙爲一身上枝下

葉互虧蔽天遣夾宅雄漳濱冬青花開黑龍哭銅狄摩

挐劫塵黷杜家橙樹韓家桐能使百年蔭喬木吾欲遷

萬牛東沙問值人掉頭吾欲享敝帚杲堂作記衆脫口

息陰過客長歔唏望氣賈胡空決剖古來桑梓生敬恭

手澤沉拜壇前封五湖三畝宅無恙幾家車廐摧烟烽

班荆遇子洛陽道室遐人邇罄懷抱夜闌忽夢三丈夫

滿地月波跡如埽

明張東沙大司馬會欲移植於家

九日英少農招集獨往園登高次韻

寥天景物敞孤吟每豫名園折簡尋暖翠浮嵐閣真落

手白衣烏帽太關心籬花遲吐寒禁淺尊酒狂呼醉引

深聞道光明開道藏主人三度盃朋簪

時示丙戌後光明道院登高詩

桂老楓殘萬葉吟授衣時序劇侵尋高樓西北嫌遮眼

賓主東南快賞心看取歸舟風雨橫

高上舍出其先待人風雨歸舟圖

將出郭漏更深弟兄鄴下才何有願把茱萸後會簪

爲姜香槎題袁薌亭所圖秋亭話別

落木蕭騷雁訴愁  
雁門關外雁飛秋  
停鞭索醉心偏醒  
一片黃雲是朔州

江東袁虎擅多才  
抹得荒林夕照開  
閑憶共昨冬宵話  
永張衡臺外撥寒灰

戴園自韓家潭移居瑠璃廠

一枝何必講求安  
複巷新移十笏寬  
洞引別天藏藥市  
逕畱餘地著花壇  
息交頗悔停車便  
羈宦終憐餓屋難  
憑藉安仁嗤拙效  
頭銜仍把昨年看

春信同拚醉一卮  
釀錢好趁賀遷時  
客緣刺促門更僕  
家爲平安座絕醫  
東閣暫寬晨到直  
南榮早放月分窺

誰能昨夜韓潭上酒賦琴歌散尚遲

隱隱牛鳴隔敝廬道南道北訊踟躕無多家具遷原易  
不少塵囂避卽虛入市但容閑估畫赴科且願緩修書  
我來細訪漁洋宅欲向東鄰賦卜居

西卽漁洋舊邸

敬承堂耆年公讌詩

已丑冬上海曹鈞錫以百歲被旌李梧州於  
其堂集年八十九之儲雲洲八十八之寇逸  
齡八十七之張鳴皋張天培八十六之趙漢  
紳王翼史八十五之王協中八十四之周培  
先王士昌鄭文斌呂錫莘八十三之金公宰

八十二之陳公三喬永錫吳茂玉八十一之  
張亦安倪元卿八十之徐天敘祝渭陽李未  
及年故與會而不之列

黃鍾中律灰飛春海霞燒空闌六闌十雙海鶴縞衣至  
背上髣髴列真曹君生年頃滿百兒齒秀髮晴綠筋  
拍肩把臂十九輩末座最少云八旬千六百九十一歲  
一十五族聯姓姓聞聲見面盡相識卻忘誰介誰爲僎  
羊裘茸帽過頭杖相當相對鬢飄銀桑麻情話恣歡譁  
爵行無算翻酒鱗爾時賢主劣周甲二豆侑食猶逡巡  
畫堂開譙抵曛暮堵牆觀者咸郁彬古人觀鄉卜王道

此會真率徵麗淳弧南一星巨芒彩

兩宮洽慶逢庚辛香山九老數三倍雍容上殿拖朝紳  
須彌芥子笑公等何日六聘驅蒲輪金錢繒粟拜存  
問鼓腹才効歌衢民豈知上壽號人瑞如飛走羣求鳳  
麟山松古城大如斗骨法爭見胡何切松喬身自今伊始  
整重席一年一度爲主賓桃源慢亭在人世坐閱滄海  
揚黃塵我詩不誣備掌故誕告閭史書弧辰

臘八日少鈍招同竹汀學士習庵編修耳山宗  
人繡堂上舍集藏海廬卽川學士元韻兼懷

衝風短騎款扉忙。宴歲崢嶸節未忘。爲憶故人看小友。  
況陪前輩泥同鄉。溫磨稍補紅圍火。粹闕鹽齏碧點湯。  
記得昨年詩版好。苦教謝舅檢奚囊。補堂去年臘八粥詩絕工  
送喜連朝急遞忙。天南磨盾事難忘。縱拋家累依雲闕。  
豈負身名入瘴鄉。袖底音塵煩出簡。先一日璞家問至尊前茶  
酒勝呼湯歸期笑指藤花準。飽喫團圓粟一囊。

習庵疊韻催聯句之會再和

門版常關覓句忙。詩流會合較難忘。老元新格偷前輩。  
瘦沈遺聲譜舊鄉。遮眼松楸教燈脫。穗潤喉舌取椀浮湯。  
知君幾燭修書暇。多少毛錐厭處囊。



臘景平催不似忙聳肩叉手米鹽忘但求折簡吟同社  
那便尋梅憶故鄉力掃春蠶筐食葉竅鳴枯蚓鼎煎湯  
祇嫌才地懸霄壤不比鳴于應土囊

上章攝提格

爲玉厓尊甫古愚丈題老屋課孫圖

玉厓登金門一官直如寄授徒資質馬長郎質隨侍複  
巷聞讀聲泠然激清吹鄉夢縈海東遠嵐見胡甸螺髻  
龍葱樹交陰瑣碎竹搖翠誅茅遲午開編枳籬亦樞中  
有環堵居風雨賴粗蔽老親身康強鍵戶息機事幸邀  
三釜榮不復問脯贄何用相怡悅結習在文字競爽駢

孫枝錯立四松四一孫坐面書細帙整鱗次一孫行抱  
書兩孫故迴遲將毋放學時游息寓或相意是時秋日佳  
扶杖信流憩涼鞵輕縛椶初服巧緝或還往三家邨孰  
識太公貴共卜鱸堂徵轉憶鯉庭對雙檠間短長講貫  
敢辭瘁課孫同課子崢嶸出頭地古來娛老方此樂較  
純摯小同經竝貽懷祖硯堪遺翁若就養來老屋恐拋  
棄居傳人亦傳好入名畫記

香亭參議古藤詩思圖

醉翁行樂地愛敬及草木綏綏板古藤藤花爛盈掬傳  
聞譽樹初漁洋結詩屋屋圯藤半枯典宅幾營築曲廊

蔭古槐短檻倚修竹上有櫻毛香下有苔髮綠獨有蛇  
龍姿長被束薪束何年榮一枝絡架漸簌簌天意詩可  
昌象取日來復坐對傾百杯圖玩壓千軸陳迹雖莫徵  
古懼已粗足後來吟遶人据此便醫俗地繫海王邨名  
著夢華錄近有人於琉璃廠後發得  
遶墓碑其地名海王邨

爲馬上舍題其尊人怡畫菊

淘溝阻車轍有客來破門借問客誰子臭味爭荃蓀自  
言五常後望雲念晨昏硯頭置橫幅展對明所尊渲染  
絕塵世落花了無言人以淡乃成交以淡乃敦此訓重  
詩禮觸手芳澤存殷勤待題句遠寄陶南邨自來梅蘭

竹畫者超衆根菊花亦流亞沒骨非高論聞君嗜金石  
二隸窮肘跟丁頭及釵腳筆勢驚偏反降體狀草木如  
流從探源平生嗜冲隱嘉植怡心魂清渠覆時菊標格  
堪捫搦譬彼形影神贈答期勿緩束縛謝窵斗侑譙揮  
金樽非不念繁豔守道須邱園客行且毋遽戒養希酬  
恩他年采三逕爲壽登崧崑

袁紆亭團蒲圖照

五年約略袁絲長僵臥長安見卻稀欲向王城袒肩去  
晚霞紅襯水田衣

不愛菖蒲花愛葉示羅漢相結團趺他時笑共諾羅老

傳幅龍湫宴坐圖

御試龍應鳴鼓得字

有禱鏗聞鼓蛭淵隱合符草音闕吐響角聽迴含孚氣  
本靈囂召情先黑蜨輸拖雲鬢影亂攖霧爪痕麓躍見  
交爻吉吁嗟慰望蘇衙衙形乍捲坎坎韻偏紆輦道  
凝酥潤 雩期秀隴鋪練都陞瑣語協應信鳴枹

將抵定州肩輿涉河作

水淺不可杭沙邊怒流旺居人三數家喚客手先抗板  
援等驟危勢與魚逆上其或跨馬來馬吻浸頽浪牽之  
待半濟索錢轉無狀我儕奉嚴程此圭貝待粗償謂當驚

望洋而乃氣先張無帶復無裳壓肩笑不讓出比掀車  
難趨擬挾輶壯奮步與水爭南人見頗矧側聞旬日前  
淫霖決隄障邨舍鼃鼃驕墟烟井竈曠行旅茲絕蹤有  
艇末由放幸賴旬日晴徒御卒無恙歸程計天根到處  
收巨漲想見杠梁成僕夫效挽唱

雨阻正定

一雨永朝夕栖栖行路難有懷桂水曲還隔楚雲端急  
渡中流斷虛亭盛夏寒殷勤慙候吏日日勸加餐

隆興寺大佛

古龍藏寺今隆興金城孝僊開金繩壹方士庶被獎勸

范銅作像垂智燈干戈五季契丹入半體解似滹沱冰  
土人搏泥代其半後周顯德詔敬承銷境內銅作泉貨  
歷劫那顧人天乘真人討罪太原返六軍駐馬臨郊垆  
虧成消息有遺識宣喚紫衣如響磨爾時菜園露光氣  
發視銅器盈鍾秤千章木蔽頰龍下異事驚倒臺懷僧  
以木架閣銅鑄佛七條五截森峻嶒四十二臂臂五指  
脩羅刀仗嗟何能日後四方永平定色相不動神淵凝  
到今人代閱千劫作鎮獨與恆山恆我

皇巡方此駐輦詩碑說法龍象聽佛如有知更歡喜普  
佑纖旬書三登開寶官錢問傳幾豈識佛性甘飯鷹七

丈三尺白毫相事理恍惚難爲憑大千覺路不在此丈  
六身相抽一莖竭來三宿動深戀補歐趙錄披圖經願  
將弱筆續公禮卍字細勒胸前銘寺爲隋鄂國公金城  
王孝儒作張公禮撰  
碑辛楣學士以孝儒卽孝儒其父傑周書有  
傳以僊爲僊字體偶異足正金薤琳琅之失

曉行

上馬墮殘月悄然雞未鳴單衣多露重孤笠大星明歲  
月塵蹤迹乾坤旦氣清是誰茅舍底偃枕臥縱橫

圓津庵

庵左有四楊橋  
係天啓六年修

四楊風蕭蕭邀吾理茶話濃綠圍一庵歇馬劇疎快茲  
庵初何年壽與石橋屆到門龍象尊轉徑鐘魚戒其旁



峙一邱覆土積幾蕢邱高樹更高仰見亂藤挂朱葵花  
欲然青棗枝互拜開士機本忘孤坐石枰罽爲言香火  
盤歷劫幸無壞西陂與西厓畱詩中有畫比來篇什多  
籠紗敢稍懈官人曩入黔斬我壁生疥冉冉今又來願  
了未了債况逢粥飯緣草草辦蔬稗盍爲一宿畱免受  
蚤蟲嘬其言醇且清使我汗停灑忽聞驕馬嘶西照促  
行邁揮手謝名藍慨焉動遐喟

過臨洺冉子墓

舊蹟遷邢杳斯人有墓墟四科尊魯論二等定班書耕  
稼東皋滿烟埃北牖虛卽兒能道古不繪百牛居

比干墓

孤卿遺蛻鬱嶙峋地下龍逢一笑親報主有天紆七竅  
殺身特地殿三仁銅盤銘蝕封題古金闕歌傳涕淚新  
畱得累朝裊墓語鹿臺何處認遺塵

過衛輝與璞庵別處

林泉左右輒交通曾記相逢雨涕中事到真窮天必佑  
詩令共如句方工登樓客思偕王粲贊府蠻音近郝隆  
安得今年霏雪處與君歸轡並花驄

重發鄭州至新鄭

五里三道溝入疆采謠諺失笑夫豈然三刻踰可遍因

懷京索間楚漢經百戰一鼠與一龍遺跡孰能辨茲邦  
無寸山寸寸夾高岸峭竦削鐵壁硲礫似石斫車輪何  
搖搖谷底出呼喚投杵逸足奔緣梯舉頭看一起一伏  
餘馬背漬丹汗昔予叱馭心萬仞歷危棧怪此沙壤餘  
作勢忽千變吁嗟世人心平地生波瀾側想溱水生春  
流回渙渙

信陽山中

雲外山何限山家更入雲日驕疎蔭見風定暗泉聞白  
鷺雙栖樹鳥健一飯芹不知巾袂重松子落紛紛  
一峰遙送我復有一峰迎竹樹涼搖夢禽魚暇結盟分

泉通晚汲過雨趁朝耕去去愁迷路須隨白鹿行

將抵黃陂順省祖母縣齋訂敬堂小住

一報郵籤路轉長魯臺雲樹鬱蒼蒼陳情未敢紓

天聽觸暑何妨歇使裝賓主到頭三日暫母孫偕面十  
年強喜心倒極成嗚咽如此驂鸞孰比方

### 武昌歌

聞歡歸武昌綸巾繡襖襠聞歡發武昌白馬紫絲韁  
寧食武昌魚不折武昌柳將柳貫枯魚尺書見時有  
子來從漢濱漢珠佩從從贈子雄鴨頭活綠如漢水  
莫下長干里莫上襄陽城西山歇楚雨何方無一晴

武昌不得晤桐嶼師

十年前食武昌魚  
媿我重來擁傳車  
絳帳風流當日夢  
麻衣雪影異鄉居  
過江有約思投刺  
入幕無緣遲奉書  
卽此便成歧路感  
六張五角更何如

朱轡曾送武谿行  
惱恨人間路不平  
詎有流移煩郡守  
卻教淫毒和門生  
中年哀樂須加飯  
萬壑家鄉待卜耕  
報取關河書一紙  
明年慈壽准朝京

山坡驛

幾處豆花雨  
居山秋易晴  
遠谿長遶帶  
低隴散開枰  
望斷慈姑爛  
聽餘懶婦驚  
來朝松引路  
馬上沸濤聲

七夕宿咸寧伍氏寄家人

旅人問何夕西北有高樓爲具茶瓜勝相看玉雪倅夢  
回燕塞迴家傍楚江秋欲訪蘋谿勝迢迢不自由

宿蒲圻

瘦馬官塘去山圍一綫天驛畱丹鳳號縣記赤烏年月  
影新依檻江流曲引船莫誇蓴菜美魚蜆不論錢

港口萬年庵

山靜谿故喧板橋臥林際人烟三數家宛宛抱初地喜  
無金碧繁戶闌襲嵐翠孤磬旣清圓諸幡亦搖曳寺田  
供粥版一一贖碑記吾鄉老宗伯歇心付題字石林昔

過嶺編集見好事云何港口居半椽雨不蔽

石林使粵錄云港口

驛舍僅一椽土竈且分其半且有虎患

想像駐驂時茲庵委榛翳比來作

行館提唱賴家季摩挲遍舊題強制傷心淚

吳文恪士玉於雍正

癸卯過此題詩吳侍讀鴻亦有和作

飯罷茶亦甘繩牀乞清睡松影忽敲

斜倌人促征騎

### 雨後過谿橋至長板

好雨洗橫翠幾層山霽開高低稻陂水決決走輕雷野  
牧跨牛至晚樵持斧回爲驚雨白鷺飛下亂峰隈

### 避雨示敬堂

馬頭片雲黑馬後數峯青側帽呼前侶停鞭就短亭平

林暄浙浙高黍暗冥冥白鷺縵衣好江船記獨聽

湘蓮

幾處蓮房熟芳鮮齒頰侵潤涵文露氣乾趁早秋陰闕  
產畱名敵荆包作貢欽莫嫌凝蕙苦一片楚纍心

歸義驛

問道經黃穀旋臨古渡頭山隨湘岸盡水入洞庭流郵  
舍紗籠壁邨莊版結樓秋來翻憚暑莫笑賈胡畱

湘陰

一笑湘波在灣灣路不殊重來羅子國幾派洞庭湖野  
館抽斑竹晴沙染綠蕪黃陵試回首山鷗四山呼



暮雲鋪

湘水百千折東流隨白雲我行暮雲曲何日弔湘君小  
市朝暉合重關古道分衡陽投宿處可有權歌聞  
紫薇花影外一綫引茶園官戍高臨棧邨家懶敷門種  
蓮分水口曬穀歸牆根憶昨昭潭飯中流采芷蓀  
水外萬重花花邊四五家陽春二三月曾泛楚漁槎雞  
犬聲相聞琴壺興未賒雖然山逕晚照耀有朱霞

雨抵衡山簡奚大令鶴谿寅

前年我作黔南行澧谿谿館谿雨鳴君居樓頭我樓下  
閱語闌吏空傳聲今年我奉粵西使君亦新從瀾滄至

臥對清湘九面山底用張帆望天際薄午招要經縣門  
江波如墨飛雨痕爲言岳形富奇觀不往孤負巾箱存  
因思退之過茲地連月秋陰轉初霽卽今久霽變層陰  
浪遊恐被老天忌生平腰腳衰兼慵一足頗肖山夔蹤  
布襪芒屨苦難著竹兜且仗雙丁從喝道松間殺風景  
商略鋪雲坐昏暝知君早有記游篇那數拙詩排過嶺

雨抵上封寺

峰上幾層峰油雲作意封竟衝泥裏屐來趁飯前鐘地  
迴諸天在林虛萬籟從明晨看日出許我一扶筇  
曉發望嶽門至嶽市

縣郭圍衆山山鳥隔檐喚紆威出西門曉翠較疎散石  
梁欹自橫茅舍續還斷行行紅茶亭松栝影凌亂非無  
千年樹點綴半山半俄頃蒸溼雲微濛官難辨遙聞蕭  
颯音芋荷遠相間誰從嶽市歸招我坐邨閑爲言招提  
遊側想香積飯勝引天所慳目成笑斯粲明知沾客衣  
遮頭乞油傘何處版魚聲山程尚瀾漫

自石谿度劣馬嶺

石谿停筇輿遠鼓作秋社雖嫌登頓煩雲木境清灑單  
嶺何陰森伋立障原野螺旋兼隨行曦影漏紺闕萬竅  
號淒酸颯若屋搖瓦窺人來老猿芋栗尚盈把橘刺連

藤梢牽衣苦難捨深苔<sup>山</sup>芒屨滑澁不可蹀終歲無客  
行山鬼口垂哆肚氣藉呼譙不惜坐暗啞始安隸零陵  
邾柝任從打何年分<sup>半</sup>區畫嶺作分檜出險心始夷一  
逢捕蛇者

貢院後粵秀山故在明藩院內和敬堂

走馬雙蛾碧玉簪一堆畱染畫堂陰天梯斷去晨鐘悶  
闌試前<sup>卽</sup>地肺移來夕爨沈邱嫠羹寒還徙鎮降王關  
<sup>肩山寺</sup>閉竟成擒故宮鬼火如輪大莫照人間八桂林

鳳鳴高岡得丹字

有鳥儀千仞離離聽未闌近光紅日下流響綵雲端足

白華前稿

卷三

六

足諧仙奏將將協舞彈箏宣幽谷暖磬勒廣廷寒履盛  
鳴宜蚤居高和轉難九皋坎呖鶴半嶺伴吟鸞此地岡  
銜紫當年穴孕丹卷阿偕賦手長振佩珊珊

竹簞

毛竹粗於臂勻裁四五竿刮膜輕漾水編眼橫穿灘泛  
比深杯穩飄同落葉乾鷓鴣客買取方便一篙安

泊全州北門外

斷雁窮猿倚枕聞木蘭舟外葉紛紛灘聲入夜喧於雨  
霧氣連朝暗似雲轉粟幾時開越嶠落帆此去弔湘君  
驂鸞好事吾何有且伴谿翁狎鷺群

歸陽小泊

芳草亦云歇  
湘川日夜流  
獨絃落沙雁  
雙槳逐鷗鷗  
水云迤逝  
衡峰隱隱浮  
舵樓傳好語  
明作合江游

泊浯谿

浯谿谿岸轉  
不讓桂山奇  
古宅人千古  
看碑彼一時  
樵行翻絕磴  
猿嘯倚叢祠  
再鼓雲山曲  
無因譜七絲

耒日晚泊

南度逢行雁  
誰邊晚唱聞  
沙浮漁艇淺  
樓接戍旗紛  
嵐彩高收霧  
炊烟冷化雲  
黃牛兼白酒  
試問杜陵墳

淶口

淶口淶悠悠微波送桂舟市聲連岸湧灘勢入江休拾  
翠懷春侶隨帆夢岳岳遊昭潭纔百里前路若爲愁

重過萬年庵次壁間韻

山僻渾相識寒谿說法喧霜明孤葉定雲暗一禽翻詩  
板聲聞果郵籤粥飯恩他時重過否清夢遶松門

念橋宮允竹谿新霽圖

明玕搖暮寒顧影逗娟妙有谿流有聲斜陽耿瀟照草  
根溥露餘倚樹客孤嘯蒼然團遠陰通脫謝簪帽梁谿  
文獻邦雕龍盛才藻翩翩升玉堂寤想入幽蹈圖成閱  
數年翠墨轉神肖巢父結雲蹤阮何敵風貌如逢春霽

時披對愜吟眺詩就雨適來短篷細漁釣

林表明霽色得晴字

金銀宮一色山雪快時晴壁樹兼天涌瑤華委地傾微  
黃拖四照虛白對雙清溼磴炊烟淡寒迷松霧輕浮浮  
松磴遠隱隱竹岡橫紫翠看難準丹青染未成向陽飢  
鳥下覓路醉樵行借問終南徑何因化玉京

大廟峽歌送張上舍之南雄覲父

滇陽頭中宿尾香鑪介中央射暮烟紫不是眠羊定

獅子

峽旁二  
峯名

廟者誰靈之里靈者誰虞其氏洞爲門峽

爲壘白日爭燒太平紙春林一片鷓鴣聲笑換斑衣航



樓底

泉之自號稷堂

蘭爲王者香有似善人德雖生空谷中品與瑞芝敵都尉著農書五穀長斯稷盧穗紛綏綏霰粒圓的的種熟備四時田正列百職腐儒苟不分盍辨中央色奈何明染貴而以小米斤予季中好修蘭名此由錫思營半畝居荷鋤理秋穡爲堂卽爲號東泉永晨夕吾鄉木棉地斥鹵類沙磧稻田十三四取秣近潮汐語以稷與麋胡盧笑應匿稷旣鮮人知蘭亦需人識豈無都梁香朵朵混名實體精用貴宏二者義無忒